

**МЕСЯЦА НОЕМВРИЯ В 1-Й ДЕНЬ.  
СВЯТЫХ БЕЗСРЕБРЕННИКОВ И ЧУДОТВОРЦЕВ КОСМЫ И  
ДАМИАНА, ИЖЕ ОТ АСИИ.**

**ВЕЧЕР**

**На Господи, воззвах: стихиры святых на 6.**

**Глас 6.**

**Подобен: Все отложивше:**

**В**сю отложивше на Небесех надежду, / сокровище некрадомо себе святии сокровищствоваша: / туне прияша, / туне дают недугующим врачевания. / Злата или серебра Евангельски не стяжаша, / человеком же и скотом / благодеяния преподаша, / да всеми послушливи бывше Христу, / со дерзновением молятся о душах наших.

**В**ещи возгнушашася на земли тлеемая, / Небесножителіе же во плоти якоже Ангели явишася, / единомудреннии сожителе, / сопруг единоправный святых и единокорный. / Темже страждущим всем врачевания подают, / безсребренно дарующе благодеяния требующим, / яже летным сим достойно / почтим праздником, Христу / со дерзновением молящихся о душах наших.

**В**сю всельшая в себе Троицу, / двоица приснопамятная, Косма и Дамиан Богомудрии, / яко потоцы источают / от источника живоносного воды врачеваний. / Ихже и мощи страсти осязанием врачуют, / и самая токмо имена недуги / от человеков отгонят, / всех притекающих спасительная пристанища о Христе, / и со дерзновением молятся о душах наших.

**В**се отринувше страстное мучительство / и всяко размышление лукаваго змия поправше о Христе, / святии безмездницы, Космо и Дамиане, / светообразни явистесь, / яко светила, / озаряюще всю подсолнечную Богознаменными всегда, / тьму отгоняюще / и недуги благодатию и всем спасителие являющиеся, / верою неуклонною / творящим святую память вашу, премудрии.

**Слава, глас 6. Анатолия:**

**Б**езконечна есть святых благодать, / юже от Христа прияша, / темже и мощи их / от Божественных силы непрестанно действуют чудеса, / ихже и имена, верою призываема, / неисцельныя болезни исцеляют. / Имиже, Господи, / и нас душевных и телесных страстей свободи, / яко Человеколюбец.

**И ныне, Богородичен:**

**К**то Тебе не ублажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощся: / естеством Бог сый, / и естеством быв Человек нас ради, / не во двою лицу Разделяемый, / но во Двою Естеству / неслитно Познаваемый. / Того моли, Чистая, Всеблаженная, / помилуватися душам нашим.

## На стиховне стихиры, глас 2.

Источник исцелений единого / токмо в лете исцелеваше, / храм же безсребренников / все множество исцелевает недугующих, / неоскудно бо есть и неизживаемо богатство святых. / Тех молитвами, Христе, помилуй нас.

**Стих:** Дивен Бог во святых Своих, \* Бог Израилев.

### Феофаново:

Любовию Божественною / и желанием будущих детельне поживше, / спасительныя пути исправисте. / Темже, чистоту душевную нескверно соблюдше, / вещным до конца противостасте; / Духом же Божественным позлатившеся, / беззлатно исцеления недугующим подаете, / двоица священная, светозарный соузе, / просвещенный Божественный соприже, / безсребреницы, в скорбех и недугех посещающе нас / и душ наших недуги / безмездно врачующе.

**Стих:** Святым, иже суть на земли Его, \* удиви Господь вся хотения Своя в них.

### Германово:

Великих сподобльшеся даров, всехвальнии, / в смиренном житии на земли пожисте; / и, проходяще всюду, / туне недугующих страсти врачующе, / явистеся Ангелов собеседницы, / Космо с Дамианом мудрым, / братия прекрасная, / и наша страсти молитвами вашими уврачите.

### Слава, глас 6:

Всегда имуща Христа, Действующа в вас, / святии безсребреницы, / чудодействуете в мире, / немощствующия врачуете, / ибо врачевство ваше источник есть неисчерпаемый: / черпльем же, паче преистекает и, изливаемъ, изобилует; / на кийждо день истошчаемъ, / и умножается, всем подая и неоскудеваемъ пребывая; / и черплющии насыщаются врачеваний, / тойжде пребывает неизживущ. / Что убо вас наречем? / Целительных ли врачей душ же и телес? / Целителей страстей неисцельных, / туне исцеляющих всех, / приемших дарование от Спаса Христа, / Подающего нам велию милость.

### И ныне, глас тойже:

Творец и Избавитель мой, Пречистая, / Христос Господь, / из Твоих ложесн прошед, / в мя Оболкийся, / первыя клятвы Адама свободи. / Темже Ти, Всечистая, / яко Божии Матери же и Деве воистинну, / вопием немолчно: / радуйся Ангельски, / радуйся, Владычице, / Предстательство и Покрове / и Спасение душ наших.

### Тропарь, глас 8:

Святии безсребреницы и чудотворцы Космо и Дамиане, / посетите немощи наша: / туне приясте, туне дадите нам.

### **Богородичен, глас 8:**

**И**же нас ради Рождейся от Девы, / и распятие претерпев, Благий, / испровергий смертию смерть, и Воскресение явлей, яко Бог, / не презри, яже создал еси рукою Твоею, / яви человеколюбие Твое, Милостиве, / прими Рождшую Тя Богородицу, молящуюся за ны, / и спаси, Спасе наш, люди отчаянныя.

## **НА УТРЕНИ**

**На Бог Господь: тропарь святителю, дважды.**

**Слава, и ныне, Богородичен.**

**По 1-м стихословии седален, глас 2:**

**И**сточник исцелений единаго / токмо в лете исцелеваше, / храм же безсребренников / все множество исцелевает недугующих, / неоскудно бо есть и неизживаемо богатство святых. / Тех молитвами, Христе, помилуй нас.

**Слава, и ныне, тойже.**

**По 2-м стихословии седален, глас 2:**

**В**еликих сподобльшеся даров, всехвальнии, / в смиренном житии на земли пожисте; / и, проходяще всюду, / туне недугующих страсти врачующе, / явистеся Ангелов собеседницы, / Космо с Дамианом мудрым, / братия прекрасная, / и наша страсти молитвами вашими уврачите.

**Слава, и ныне, тойже:**

**По полиелеи седален, глас 8.**

**Подобен: О** преславнаго чудесе.

**Б**езконечна есть святых благодать, / юже от Христа прияша, / темже и мощи их / от Божественныя силы непрестанно действуют чудеса, / ихже и имена, верою призываема, / неисцельныя болезни исцеляют. / Имиже, Господи, / и нас душевных и телесных страстей свободы, / яко Человеколюбец.

**Слава, и ныне, Богородичен:**

**Б**уди благословен день и час, / вонь же благоволи Господь Тобою, Пречистая Богородице, / явити Спаса миру, / сим же нам имети Тя яко дерзновенную Предстательницу и Ходатаицу пред Сыном Твоим / о спасении душ наших.

**Степенна, глас 4. Антифон 1-й, ихже стихи повторяюще поем:**

**О**т юности моя / мнози борют мя страсти, / но Сам мя заступи, / и спаси Спасе мой.

**Н**енавидящий Сиона, / посрамится от Господа, / яко трава бо огнем / будете изсохше.

**Слава:** / Святым Духом / всяка душа живится, / и чистотою возвышается, / светлеется Троическим Единством священнотайне.

**И ныне, тойже.**

## Прокимен, глас 4:

**Прокимен:** Сѣмь, ѿже сѣтъ на земли егѡ, ѡудивѣ гдѣ всѧ хотѣнїа своѧ въ нѣхъ.

**Стих:** Предзрѣхъ гдѣа предо мною вынѡ, ѿкъ ѡдеснѡю менѣ ѣсть, да не подвижсѧ.

Всякое дыхание:

(Math. 9, 36-38 ; 10, 1. 5-8)

Видѣвъ же народы, мѣрдова ѡ нѣхъ, ѿкъ бѣхѡ смѣтѣни ѿ ѡвержени, ѿкъ ѡвцы не имѣшыа пастыря. **Т**огда гдѣа ѡучѣнѡмъ своимъ: жѣтвы ѡубѡ многа, дѣлателей же мѡло: молѣтесѧ ѡубѡ гдѣинѡ жѣтвы, ѿкъ да изведѣтъ дѣлатели на жѣтвѡ свои. **И** призвѡ ѡбанѡдесѧтъ ѡучѣнѣи своѧ, дадѣ имъ власть на дѣсѣхъ нечѣстыхъ, ѿкъ да изгонѧтъ ихъ, ѿ цѣлѣити всѧкъ недѡгъ ѿ всѧкъ болѣзнь. **С**ѧ ѡбанѡдесѧтъ послѡ иѣсѡ, заповѣда имъ, гдѣа: на пѣтъ ѡзыкъ не идѣте ѿ во градъ самарѣнскѣи не внѣдите: идѣте же пѡче ко ѡвцѡмъ погѣвшымъ дѡмѡ иѣлева:7 ходѡще же проповѣдѡйте, глаголюще, ѿкъ приближѣсѧ цѣртвѣе нѣвное:8 болѡщымъ изцѣлѡйте, прокаженныа ѡчищѡйте, мѣртвыа воскрешѡйте, вѣсы изгонѡйте: тѡне прѣѡсте, тѡне дадѣте.

## По 50-м псалме

**Слава:** / Молитвами апостолов, / Милостиве, очисти / множества согрешений наших.

**И ныне:** / Молитвами Богородицы, / Милостиве, очисти / множества согрешений наших.

**Таже, глас 6:** Помилуй мя Боже / по велицей милости Твоей, / и по множеству щедрот Твоих / очисти беззаконие мое.

## Седален, глас 6.

Безконечна есть святых благодать, / юже от Христа прияша, / темже и мощи их / от Божественныа силы непрестанно действуют чудеса, / ихже и имена, верою призываема, / неисцельныа болезни исцеляют. / Имиже, Господи, / и нас душевных и телесных страстей свободы, / яко Человеколюбец.

**Канон святым мученикам, егоже краегранесие:**

Песнями почитаю мудрых безсребренники.

**Творение Иоанна Дамаскина.**

**Глас 1-й.**

**Песнь 1.**

**Ирмос:** Поим, вси людие, / от горькия работы фараони / Израиля Изменшему и во глубине / морстей ногами немокрыми / Наставльшему песнь победную, / яко прославися.

**Запев:** Святии безсребренницы и чудотворцы Космо и Дамиане, молитесь Бога о нас

**От** благодати Начальныя Троицы, двоица чудная и честная свещаемая, всем исцеления приходящим верно подает, присно источающи.

**Т**айноучими живоносным словесем, яко светила в мире возсиявше, страстную мглу удобь разгоняете теплотою веры, всеблаженнии.

**Слава:** Закону покаяющеся Спасову, всеславнии, сладострастие убо плотское отринуша: добродетельными же душами светлейше просвещаящеся, в мире преизяществоваша, досточуднии.

**И ныне:** Во всего человека в Твою утробу Вселивыйся, Богомати, неизреченно облечеся, и Отца возсиявый Сын, безлетне Пребожественный, Тому воспоим, яко прославися.

**Песнь 3.**

**Ирмос:** Утверди мене, Христе / на недвижимом камени заповедей Твоих, / и просвети мя светом лица Твоего, / несть бо свят паче Тебе, / Человеколюбче.

**В**рачеваний источники, даров же Божественных струи, Невещественнаго Света светлейшая приятелища вси достойне воспоим.

**Я**ко телесныя и душевныя врачующе страсти и болезни приходящих к вам, всечестнии, усердно ныне, яко благодетелие исцеляете.

**Слава:** Плодными добродетельми украшаеми, всяку тлеющую сладость житейскую яве отразисте, к Божией доброте непрестанно взирающе.

**И ныне:** В виде нашем прежде Невидимый явися, о Богородительнице, стекшуся с плотию Божеству во утробе Твоей Пресвятей, Богоневесто.

**Седален, глас 8.**

**Подобен: Премудрости:**

**От** источника бездны, Иисуса, / чудес струи благолепно почерпше, / святии, тайными тучами страстей мрачныя облаки / отгоняете и недугующим человеком исцеления подаете. / Тем, получивше здоровое веселие, вами, / преславнии, удивляеми зовем: / богоноснии безсребренницы, / молитесь Христа Бога, согрешений оставление даровати / празднующим любовию святую память вашу.

## **Слава, и ныне, Богородичен:**

**Я**ко Всенепорочная Невесто Творца, / яко Неискусомужная Мати Избавителя, / приятелище яко сущи Утешителя, Препетая, / беззаконию мя суща скверное обителище / и бесом игралище в разуме бывша, / потщися от тех злодейства мя избавити / и светлое жилище добродетелей соверши, / Светоносная, Нетленная, отжени облак страстей / и Вышняго причастия сподоби, / и Света невечерняго молитвами Твоими.

### **Песнь 4.**

**Ирмос:** Разумех, Всесильне, / Твое смотрение / и со страхом прославих Тя, Спасе.

Речению Божественному яве возследующе, не злата блистания, ниже сребра, Божественнии, стяжасте.

Сияюще Божественными чудесы, безсребреницы вся благодетельствуют, благодать подающе.

**Слава:** Врачеве мудрии покажастеся страстей болезнем, исцелительныя руки простирающе.

**И ныне:** Да заланитствятся ныне лица, Богородицу Тя не исповедающих, Пречистая Владычице.

### **Песнь 5.**

**Ирмос:** От нощи утренююще, поем Тя, / Христе, Отцу Совебзначальна / и Спаса душ наших, / мир мірови подаждь, / Человеколюбче.

**Я**ко потоки Боготочныя, источаете верным благодеяния воды, душевныя же купно и телесныя исцеляюще недуги, славнии безсребреницы.

Источник благодати, честнии безсребреницы, разверзающе, всем здравие раздаете, верою и любовью к вам ныне притекающим.

**Слава:** Светлии и всемудрии звезды, иже землю яве онебесивше подобием светлости Ангельския, непрестанно озаряют нас.

**И ныне:** Превышша явилася еси всех, Творца, Отцу Собезначального, заченши, Мати Дево, и Рождшая міру Спаса и Господа.

### **Песнь 6.**

**Ирмос:** Пророка спасл еси от кита, Человеколюбче, / и мене из глубины прегрешений / возведи, молюся.

Спасительныя целители, благодетели Богомудрыя, Косму же и Дамиана Божественныя, усердно да почтим.

Целомудрие соблюдше и разумом украшени, Косма и Дамиан Божественнии со Христом радуются.

**Слава:** Единомудренно поживше, единомушно постничествовавшие, купно врачевания подаяти нам вверени бысте.

**И ныне:** Свет Неприступный родила еси плотию, Пречистая, весь мир просвещающе зарями Божества.

### **Кондак, глас 2.**

**Подобен:** Твердыя:

**Благодать** приемше исцелений, / простираете здравие сущим в нуждах, / врачеве, чудотворцы преславнии, / но вашим посещением ратников дерзости низложите, / мир исцеляюще чудесы.

**Икос:** Всякого разума и мудрости преходит слово мудрых врачей, и всем знание подают: Высочайшаго бо благодать приемше, невидимо здравие даруют всем. Отнюдуже и мне повести благодать даровася пети, яко Богоносныя угодники Христовы и служители, исцелений множество подающия, болезней бо вся избавляют, мир исцеляюще чудесы.

### **Песнь 7.**

**Ирмос:** Тебе умную, Богородице, пещь / рассмотрим, вернии, / якоже бо отроки спасе три Превозносимый, / мир обнови во чреве Твоем / всецел, хвальный отец Бог и препрославлен.

**Всецелы** Богу Богомудренне явистесь, вси Бога вместительны, мир бо весь Бога ради остависте, стопам последующе Спасовым, всеславнии, Боголепне отец Бога почитающе.

**Преестественно,** врачеве всеизряднейшии, немощных язвы рукодействы таинственными вся исцеляете, лечбы спасительныя от сокровищ почерпающе Божественных и воспевающе Бога Преславнаго.

**Слава:** Венцем Твоего Царствия, Владыко, и багряницею светлою украсил еси Боголепне превозлюбльшия доброту непостижную, Христе, Твоя красоты, и верным благодетели общия сия показал еси.

**И ныне:** Востоку свыше, Пречистая, Явльшуся на земли, показалася еси всеблагодетельная дверь и всесветлая, мир озаряюще лучами чистоты и верным лучи чудес присно посылающи.

### **Песнь 8.**

**Ирмос:** В пещи отроцы Израилевы, / якоже в горниле, доброту благочестия / чистее злата блещахуся, глаголюще: / благословите вся дела Господня Господа, / пойте и и превозносите во вся веки.

**Умерше** мира сего красным и сребролюбия недуг отсекаше, наименовани бысте, мудрии, всеми безсребренницы, вопиющими: вся дела Господа пойте и превозносите во вся веки.



**Вечныя** причастницы жизни бысте проявленне, жизни бо тлеемая вся остависте красная, согласне зовуще: благословите, вся дела Господа, пойте и превозносите во вся веки.

**Слава:** Избави вся, Владыко Христе, лютых болезней, молитвами безсребренников и сподоби присно согласне звати Тебе: благословите, вся дела Господа, пойте и превозносите во вся веки.

**И ныне:** Радующися, вси вернии, и благодатию укрепльшися, иже Рождеством Твоим избавлени бывше, Чистая Мати Дево, непрестанно вопием: благословите, вся дела Господа, пойте и превозносите во вся веки.

### **Песнь 9.**

**Ирмос:** Тебе, светлую Свещу: / и Матерь Божию, пречудную славу и вышшую / всех тварей, песньми величаем.

Песньми мудрую двоицу Света умнаго, облистующую зарю и просвещение всем подающе, непрестанно ублажаем. Крепость душевнаго здравия творяще верным, и телеснии врачуете ввереннии вам страсти, яко спасителие, темже и воспеваеми есте присно.

Богосветлая светила, умне Небо честныя Церкви светодаяния литием, ныне свет подающе, непрестанно озаряют.

**Слава:** От Честныя Троицы Богозванная двоица похваляема, источает просящим врачеваний всем подающая, любовь тех блажащим.

**И ныне,** Тебе, света Облак и святой Кивот, и всесветлую Дверь мысленнаго Солнца, яко Богородицу песньми величаем.

### **На хвалитех стихиры на 4, глас 4,**

**И**сточник исцелений единаго / токмо в лете исцелеваше, / храм же безсребренников / все множество исцелевает недугующих, / неоскудно бо есть и неизживаемо богатство святых. / Тех молитвами, Христе, помилуй нас.

**Лю**бовию Божественною / и желанием будущих детельне поживше, / спасительныя пути исправисте. / Темже, чистоту душевную нескверно соблюдше, / вещным до конца противостасте; / Духом же Божественным позлатившися, / беззлатно исцеления недугующим подаете, / двоица священная, светозарный соузе, / просвещенный Божественный соприже, / безсребренницы, в скорбех и недужех посещающе нас / и душ наших недуги / безмездно врачующе.

**В**еликих сподобльшися даров, всехвальнии, / в смиренном житии на земли пожисте; / и, проходяще всюду, / туне недугующих страсти врачующе, / явистесь Ангелов собеседницы, / Космо с Дамианом мудрым, / братия прекрасная, / и наша страсти молитвами вашими уврачите.

**В**се отринувше страстное мучительство / и всяко размышление лукаваго змия поправше о Христе, / святии безмездницы, Космо и Дамиане, / светообрази

явистеся, / яко светила, / озаряюще всю подсолнечную Богознаменьями всегда, /  
тьму отгоняюще / и недуги благодатию и всем спасителие являющеся, / верою  
неуклонною / творящим святую память вашу, премудрии.

**Слава, глас 6:**

**В**сегда имуща Христа, Действующа в вас, / святии безсребренницы, /  
чудодействуете в мире, / немощствующия врачуете, / ибо врачество ваше  
источник есть неисчерпаемый: / черпльем же, паче преистекает и, изливаемъ,  
изобилует; / на кийждо день истощаваемъ, / и умножается, всем подая и  
неоскудеваемъ пребывая; / и черплющии насыщаются врачеваний, / тойжде  
пребывает неиздвигуш. / Что убо вас наречем? / Целительных ли врачей душ же и  
телес? / Целителей страстей неисцельных, / туне исцеляющих всех, / приемших  
дарование от Спаса Христа, / Подающего нам велию милость.

## НА ЛИТУРГИИ

*Блаженны от канона, песни 3-я и 6-я.*

1. Врачеваний источники, даров же Божественных струи, Невещественнаго Света светлейшая приятелица вси достойне воспоим.
2. Яко телесныя и душевныя врачующе страсти и болезни приходящих к вам, всечестнии, усердно ныне, яко благодетелие исцеляете.
3. Плодными добродетельми украшаеми, всяку тлеемую сладость житейскую яве отразисте, к Божией доброте непрестанно взирающе.
4. Спасительныя целители, благодетели Богомудрыя, Косму же и Дамиана Божественныя, усердно да почтим.
5. Целомудрие соблюдше и разумом украшени, Косма и Дамиан Божественнии со Христом радуются.
6. Единомудренно поживше, единомушно постничествовавшие, купно врачевания подаяти нам вверени бысте.

### Тропарь, глас 8:

Святии безсребренницы и чудотворцы Космо и Дамиане, / посетите немощи наша: / туне приясте, туне дадите нам.

### Кондак, глас 2.

**Подобен:** Твердыя:

Благодать приемше исцелений, / простираете здравие сущим в нуждах, / врачеве, чудотворцы преславнии, / но вашим посещением ратников дерзости низложите, / мир исцеляюще чудесы.

### Прокимен, глас 4:

**Прокимен:** Сѣбѣмъ, ѿже сѣтъ на земли егѡ, ѡудивѣ гдѣ всѣ хотѣнїа своѣ въ нїхъ.

**Стих:** Предзрѣхъ гдѣ предо мною вынѡ, ѿкъ ѡдеснѡю менѣ естъ, да не подвижѡсѡ.

### (Rom. 12:4-5, 15-21)

ѿкоже во во единомъ тѣлесѣ многѣ ѡуды ѿмамы, ѡуды же вси не тожде ѿмѣтъ дѣланїе, такожде многѣ единомъ тѣло есмы ѡ хрѣтѣ, а по единомъ дрѡгѣ дрѡгѡ ѡуди. Радѡватисѡ съ радѡющимисѡ, ѿ плакати съ

пльчѹцими. **Т**о́жде дрѣгъ ко дрѣгѹ мѣдрствѹюще. не высѹкаа мѣдрствѹюще, но смиренными ведѹщеса: не быва́йте мѣдри ѿ себѣ: ни є́диномѹ же сла за зло̀ воздающе, промыслающе дѹбраа пре́д всѣми челоуѣки. **А**ще возмо́жно, ѣже ѿ ва́съ, со всѣми челоуѣки ми́ръ имѣйте. **Н**е себѣ ѿмицающе, возлю́бленїи, но дадите мѣсто гнѣвѹ. **П**исано бо є́сть: мнѣ ѿмищенїе, азъ воздамъ, гѣеть гдѣ. **А**ще ѹбо а́четъ врагъ тво́й, ѹхлѣби єго̀: а́ще ли жа́ждеть, напо́й єго̀: сіе бо творѹ, ѹгнѣе Ѻгнено собира́еши на главѹ єго̀. **Н**е пове́жденъ быва́й ѿ сла, но пове́ждай бл҃гїи мѹ сло́е.

**Alleluia, Tone 2, (Psalm 132:1, 3)**

**С**е, что̀ довро̀, и́ли что̀ красно̀, - но ѣже жи́ти бра́тїи вкѹпѣ;

**Стих:** **И**а́кш та́мш заповѣда гдѣ бл҃гвенїе и живѹтъ до вѣка.

**(Math. 12:9-13)**

**И** прешѣдъ ѿтѹдѹ, прїиде на со́ннице и́хъ. **И** сѐ, челоуѣкъ вѣ тѹ, рѣкъ и́мый сѹхѹ. **И** вопро́сиша єго̀, глаго́люще: а́ще досто́итъ въ сѹбвѹты цѣлїти; да на него̀ возглаго́лютъ. **О**нъ же рече́ и́мъ: кто̀ єсть ѿ ва́съ челоуѣкъ, и́же имать Ѻвча́ є́дино, и а́ще впаде́тъ сіе въ сѹбвѹты въ іамѹ, не и́метъ ли є̀ и и́зметъ; кольми ѹбо лѹчши єсть челоуѣкъ Ѻвча́те; тѣмже досто́итъ въ сѹбвѹты довро̀ творїти. **Т**огда́ гла челоуѣкъ: простри́ рѣкъ твою̀. **И** прострѐ: и ѹтверди́са цѣла́ іа́кш дрѹга́а.

**Communion, (Psalm 32:1)**

**Р**а́дѹйтеса, прѣвнїи, ѿ гдѣ: пра́выи мѹ подова́етъ похвала̀.